



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : HO LAP COLLEGE (SPONSORED BY THE SIK SIK YUEN)

学校名称 : 可立中学 (啬色园主办)

Name of Play 剧名 : 纸 宅

Script writer 剧作者 : 可立剧社 (学生)

Synopsis 故事大纲

几户住在桥底的居民，因为不同的原因被迫住在纸皮屋内，他们守望相助，相处融洽。

可是他们却不太受附近居民的欢迎，该区区议员亦因和地产商勾结想把他们赶走。究竟这几户住在桥底的居民的命运怎样呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(众人起 着衫)

(播投影片) 起纸皮屋

荣哥小便，路人不满

第一场

(闹钟响)

聪妈 聪仔 起身换校服喇

聪仔 Ng ...

(聪妈到屋外，然后练功夫)

荣哥 聪妈， 咁早呀

聪妈 早晨荣哥， 啱啦， 你嗰套咩拳...吾紧要啦， 你再教下我

荣哥 紧要， 套拳叫做衡气， 活血， 醒神， 健脑操！ hik hak hoo! 劲吾劲？

聪妈 劲...其实呢你跟边个学架？

荣哥 你系咪质疑我呀？ 开玩笑姐... 系黄飞鸿

聪妈 哇

荣哥 个徒弟猪肉荣

聪妈 哦

荣哥 嘅第十三代接班掌门人喺街坊福利会开既健体班果到学嘅

聪妈 下... (荣哥准备走)

聪妈 荣哥 你去边？

荣哥 擺架撑开工， 顺便拎早餐比你地

聪妈 哦， 吾洗客气啦...(拍门)仔啊反学喇

(林太喊)

聪妈 林太你又做咩喊啊？ 出黎先啦

林太 唔出啊

聪妈 有老鼠㗎

林太 下！ 老鼠呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

荣嫂 (跨过门前小便)吓，又有老鼠？d 鼠药吾系好得啫

聪妈 无啦，无啦，走晒啦(向荣嫂打眼色)

荣嫂 哦

聪妈 荣嫂，你睇住林太先，我去叫聪仔

荣嫂 好呀

聪妈 (拉聪仔出来)聪仔，够钟返学啦

聪仔 我吾返呀

聪妈 我已经同学校讲左，以后吾会再有同学吓你架啦

聪仔 我吾番呀？

聪妈 你要番学校整机械人嘛

聪仔 系啫，好，我返学

荣哥 有早餐食

(众人取凳坐下)

荣嫂 林太你点啊

聪妈 佢又挂住老公吖

荣嫂 佢有冇食药呀？

聪妈 冇呀

荣哥 老婆！你当人地聋架？

荣嫂 你咁大声做咩(搵药) 唉...你睇下你啦你咁嘅样呀，你老公见到都唔会开心啦

聪妈 系罗，话唔定你老公就反黎呢

荣嫂 (荣嫂放药在面包内)林太食面包啦

荣哥 老婆，你当人地盲架？放粒药起块面包度

林太 我吾食药呀

荣嫂 你吾好听个衰佬讲啦，边有药食姐，食面包啦

聪仔 系呀林太太，食药先会好番架聪妈：荣哥啊，d 面包几多钱，我比番你呀

荣哥 唔洗客气！

荣嫂 衰佬，都话吾好咁大声嘍

荣哥 d 面包系呀达哥卖剩吾要俾我...



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

聪妈 哦，聪仔，够钟啦，我地走啦

聪仔 我未食完

聪妈 一路行一路食啦

荣嫂 成包攞去啦

聪仔 咁吾好既？(成包拎走)

荣哥 我都要去开工

荣嫂 咁早边有生意呀

荣哥 有！以前做到吾停手呀！

荣嫂 以前呀嘛！而家 d 人对鞋旧左就掉架啦，边有人补鞋咁！个鞋架掉左佢啦！ 阻地方！

荣哥 呢个鞋架跟左我几十年啦，靠佢养活成家，你识咩呀(离开)

荣嫂 都叫佢做地盘架啦

林太 系呀，做地盘赚多 d 呀

(警察入)

警察 1 喲，每次去到呢度街尾就要签簿

警察 2 知道 Sir

荣嫂 有警察！(带林太入屋)

警察 1 吾洗惊！唉，佢地真系好可怜，我以为我细个住木屋已经够惨，估吾到而家有人要住纸皮屋(离开)

警察 2 呀 Sir, 佢哋喺度好耐啰喎

警察 1 当睇吾到啦，你叫佢地搬去边呀

警察 2 但系贴满晒清拆令，我地系咪要....

警察 1 (语气较重) 我话当睇吾到就睇吾到啦，行啦。

警察 2 系嘅阿 Sir。

(警察 1、2 走)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第二场

(社工敲门)

社工 聪妈

聪妈 李姑娘，你真系有心，又来探我

社工 系呀，要带林太去看医生，顺便探你地。你最近点？

聪妈 日日都要拉纸皮，搞到周身骨痛，好彩呀荣哥教左我几招强身健体操

社工 你要小心 d 啦。系呢，聪仔适吾适应间新校既环境

聪妈 比以前好好多，都系多得你既帮忙转左去呢间学校

社工 吾好客气啦。

荣嫂 啲，跟李姑娘，公屋果度有好消息未呀

社工 无咁快既，我估都要等多两三年

荣嫂 唉，上两星期冻到呢..都吾知捱吾捱到过年

社工 嗯，下星期我会带班义工来派毛毯比你地

荣嫂 咁就好啰

社工 (探头入屋内) 林太，我来陪你去覆诊架，记吾记得？你着多件衫啊，冻啊？

林太 我吾去看医生，我要等老公番来呀

聪妈 等我来。有老鼠呀！

林太 (冲了出来) 老鼠呀！又有老鼠

聪妈 怀疑姐

林太 又怀疑？

社工 无老鼠啦，我地而家去见医生啰

林太 我无病，我吾去看医生呀

荣嫂 吾系看医生，系去搵你老公呀

林太 好啊

(社工把她带走)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第三场

(议员入)

助理 对不起呀议员，头先带呀爸去医院覆诊等左几个钟，所以迟左

议员 又看医生？你唔系要我一个人 on on 居居系啲咁嘅地方等嘛？

助理 唔会有下次

议员 记者呢？

助理 啱啱打咗电话，就快到。

议员 仲未到？你系咪想炒鱿鱼呀

助理 吾系吾系，我...系故意安排呢段时间比议员你彩排下点样探访班露宿者

议员 (笑) 古惑呀你，出年加你人工

助理 多谢议员

议员 好，我地去彩排啰 (退后)有冇带...

助理 有冇带咩呀

议员 空气清新剂呀！

助理 有！有！（喷空气清新剂）议员，空气清新左好多啦

助理 议员！记者到喇

议员 大家好呀...阿，好耐无见你... 哦，你转左报馆呀...
好啦好啦，等我讲下今次我探访嘅感受...其实呢到真系好臭，唔系，呢到嘅露宿者真系好惨，一谗到佢地无依可靠，冇屋住，喺寒风中到瞓街，我真系于心不忍，不过放心，下次开会既时候，如果唔拉布嘅话，我会建议帮呢班露宿者改善居住环境！
(大喊) 我一定会帮佢地上楼架

助理 议员！议员！

议员 做咩呀！

助理 议员，佢地走晒啦，候任特首来呢到巡区呀...

议员 仲唔快啲追！！

夏山 (讲电话) 个包租公真系好衰嘢，欠佢几个月租姐就烹我走...呢排嘅手气真系差到



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

离谱...吾知住边呀， 瞓街㗎。。（见到纸皮屋）有喇， 吾同你讲住（收线）（敲门）

荣哥 咩事！

夏山 （敲门）冇人，（探头入去见无人）住呢度啦

（夏山入屋内）

第四场

聪仔 妈妈，我今日好开心呀

聪妈 系咪今日无人吓你呢

聪仔 吾系呀，我参加左果个国际机械人设计大赛，你估吓

聪妈 你赢左呀？

聪仔 系呀，我赢左冠军，迟 d 会去外国参加总决赛呀

聪妈 聪仔，呀妈真系以你为荣㗎

聪仔 我要番去改装下个机械人

（林太哭）

聪妈 你回家先，记住摆好个机械人呀，我去睇睇林太

聪仔 好呀。机械人...机械人

聪仔 呀!!! 妈妈屋企有个黑菇甩特机械人呀

聪妈 咩黑菇甩特机械人呀，等妈妈去睇睇（探头入去）哗！唔系黑菇甩特机械人呀！系黑纹纹既男人呀!!

聪妈 hik..

聪仔 行气活血醒神健脑操

聪妈 系呀！妈妈而家去打走佢

聪妈 hik! 你好出嚟啦下！我识功夫架...你系边个！我话你知，入面咩都无，淨系得老鼠!!

林太 呀!!! 老鼠呀!!!

聪妈 唔系老鼠呀！系有鬼呀！

夏山 有鬼呀!!!



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

聪仔 呀!!
場外 楼下班乞丐唔好吵啊，呢度系高尚住宅区黎㗎!
聪妈 (大声) 得啊…… (细声) 得…啊。
荣哥 发生咩事啊? 街尾都听到你地喺度嘈喇!
聪妈 呢个人霸左我间屋啊。
荣哥 岂有此理 (耍功夫) (夏山晕了)

第五场

聪妈 天气咁冻，吃火锅就最啱啦
荣嫂 系啦，个衰佬真系够运，执到个炉同几支 gas，d 香港人真系好大晒
荣哥 有野食，街市收炉，攞左好多瓜瓜菜菜番来
社工 喂! 喂! 喂! 时间啱啱好
众 李姑娘!
:社工 我带左肉丸、乌冬来请大家食
聪妈 哗，咁多野，我地比番钱你吓
社工 吾洗，好少钱姐，做冬紧系要食好 d
众 又要你破费/ 吾好意思
社工 吾洗客气...
林太 我有两条咸鱼，我老公买架，我拎埋出来啰
(林太起身去取，荣嫂去阻止她)
聪仔 吓?! 咸鱼? 吃火锅食咸鱼呀妈妈
聪妈 (shu...)
社工 咦? 呢位系...
夏山 我叫夏山，新搬来
荣哥 我地 不打不相识，好人来既
夏山 多谢荣哥帮我整左间纸皮屋



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

社工 点解你会来到呢度住

夏山 唉，衰烂睹嘍，而家无工做，无屋住

荣嫂 李姑娘好好架，你叫佢帮你搵份工呀

社工 Um...

夏山 我都明既...我戒左睹架啦...系呢，你地有工做点解要住呢度

聪妈 一个月赚果两千几蚊连汤房都租吾起啦，搬去边

荣嫂 (望着荣)我都话申请综缓架啦

荣哥 做人最紧要要有骨气，我有手有脚，靠自己！

聪仔 系呀！妈妈都系咁讲架，靠自己

(警察经过)

聪妈 两位呀 sir，今晚做冬都要行 beat

警 1 我地行 beat 无分咩节日既

荣嫂 天气咁冻，过来食 d 野

警 1 吾洗客气，你地慢慢食(继续走)

众 吾阻你

警 2 呀 sir，佢地当街当巷生火吃火锅，可以告佢地阻街，拉晒返差馆交差啲

警 1 我知，做警察最紧要系秉公办理，但系佢地都系迫不得已先住起天桥底姐，今晚做冬，放佢地一马啦

警 2 系，呀 sir

(区议员和助理带着饭盒入，众人望到她感烦厌，装看不见继续吃东西)

议员 呀 sir，madam，咁啱呀，我带左鲍鱼鸡饭来，一齐食吓。

警 1 吾洗客气啦，议员

警 2 系鲍鱼鸡饭啲，议员叫到无所谓啦

议员 啱，呢位警察姐姐新来架，好似未见过啲，系嘢，一齐食啦，无所谓啲

警 1 吾洗客气啦议员，我地做紧野，多谢

议员 都好，呢度几个楼盘都系我 uncle 间公司投资既，巡多 d 治安好 d，楼价都高 d

(警察走)

助理 各位亲爱既街坊，适逢冬至，本区区议员麦贞小姐，纡尊降贵，冒着寒冷既天气，带左热辣辣既饭盒来探大家，请鼓掌

(区议员和助理带着饭盒入，众人望到她感烦厌，装看不见继续吃东西)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(掌声冷落)

议员 系鲍鱼鸡饭，大家慢慢食

助理 (细声) 议员，系仿鲍鱼鸡粒饭呀

议员 收声！派饭盒啦！

(派饭盒，众人不想接受)

议员 大家食野呀... (静)

议员 几个月未见，不如我地倾下计呀

林太 好呀，不如讲下我老公呀！我老公行船架，佢琴日先上船。。吾系，好似系上星期定上个月

聪仔 系三年前呀契妈

林太 哦...

议员 啲，好似之前未见过你

夏山 我新搬来

议员 又多一个... 谗住住到几时

夏山 我都想搬去第度住好 d，不过我无钱

议员 哦... 钱姐，好易解决 (笑)

聪妈 麦议员，你成日话会帮我地尽快上楼，但一直都无声气，究竟点架

议员 哦，我反映左架啦，不过吾知 d 社工点解无做野嘢

社工 议员，我已经帮佢地申请紧特快公屋编配计划，但系最快都要等两三年

议员 两三年！我点等得咁耐！我意思系佢地点等得咁耐，你又话有咩中转屋计划，可以几个月内搬走既？

聪妈 李姑娘同我讲过架啦，不过山卡啦咁远，我个仔返学好吾方便

荣嫂 果度 d 治安出名差，我宁愿住番呢度桥底

荣哥 呢度大家住得咁开心，紧系呢度好

议员 听讲呢度既居民话你地好影响佢地既生活，好吾欢迎你地

聪妈 我地已经尽量保持成条桥底干干净净

荣哥 我地一向奉公守法，无骚扰到 d 街坊

荣嫂 系嘢，我老公好耐无起呢度呵尿啦

众 系嘢系嘢，我地唔搬架

议员 你地班人收声！敬酒唔饮饮罚酒，谗住好声好气买埋啲鲍鱼鸡饭请你地食，劝你地



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

走啦，估唔到你地竟然唔领情。你地真系唔见棺材唔流眼泪，你地咁，唔单只阻街呀，仲影响埋我 uncle 呢度 d 楼价

荣哥 哦！我一早话左佢扮好人，另有居心架啦

议员 系呀，系又点咁。我几个 uncle 都系附近几个屋苑既发展商。我唔怕讲埋俾你地听，几个月前洗街都系我搵人做既，点咁，你地班穷鬼可以做到啲咩丫，喺，唔好话我唔仁慈，一个月，一个月如果你地都唔搬，后果自负，祝你地出入平安！

(电话铃声)

议员 班人仲未搬嘅？快谗办法搞掂佢啦！

助理 哦，知道

(电话铃声)

警察 扮睇吾到？我有咩好处... 好

(电话铃声)

夏山 吓，佢地对我好好架啲。。十万蚊！好，我做！

第六场

(社工逐家敲门)

社工 大家快点出来呀，区议会已通过左今个月清拆桥底嘅纸皮屋，我地要静坐抗议，抗议官商勾结呀！

(众出屋示威，夏山却躲在屋内)

众 抗议官商勾结！先上楼后清拆！

(夏山悄悄爬向纸皮屋处)

(夏山向屋点火)

警察 1 (向警察 2) 喂！个度系咪有个人影呀，佢放火呀，快 D 追啦

警察 1 喂！捉住佢啊

(夏山逃脱)

警察 1 你点解唔捉住佢呀

警察 2 我都见唔到有人跑过

警察 1 我翻去实写你报告



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

警察 2 睇下到时边个写边个报告

聪仔 妈妈，个度系咪火烛呀，个度好似系我地屋企啊，唔系嘞，我个机械人系入面呀，妈妈我要拎返个机械人呀

聪妈 唔准啊阿仔，唔准去

林太 我要拎返我老公张相啊!

荣嫂 老公，我要拎番你个补鞋架呀(冲向火场)

众 吾好入去呀!

(警察 2 挡众人入火场)

(聪仔, 荣嫂, 林太入)

林太 老公，我终于可以同你一齐啦

荣嫂 老公，我拎番你个鞋架啦...

聪仔 妈妈 我拎返个机械人...

(聪仔,荣嫂,林太死)

(拆 屋)

议员 cut 左佢，cut 左佢！我吾要呢咁 sad 既音乐！

各位市民，由于桥底有人吃火锅，导致火灾，桥底既纸皮屋烧烂晒，住起果度既人终于搬走晒，而家呢度再吾会好似之前甘污烟瘴气，臭气熏天喇，我成功优化左呢度嘅环境，我系米好做得嘢呢！

大家记得尼紧 3 月份区议会选举都要继续支持我，我系麦贞议员，多谢！

(完)